

den vnd donnern: Sondern es werden auch viel hohe Potentaten/ vnd Ritter-Stands Personen/ bevorab in Europa, die eine sonderliche Liebe zu dieser Kunst tragen/ vnd nicht weniger/ alß die Alten mit der gemeinē Pharmacopœa gethan/ sich hierinnen belustigen/ vnd mit eignen Händen darin zu arbeiten keinen schew tragen/ zu vnser Zeit gefunden/ welche allhie insonderheit zu nennen/ einen sehr weitleufftigen catalogum geben würden.

Vnder andern aber hat man dessen ein hochwürdiges Exempel an E. F. G. zu sehen/ welche dann neben andern heroischen Tugenden [...] eine rechte Kentnuß vnd grund dieser Kunst haben/ darin Sie zu gelegener Zeit zu laborieren, vnd vnderschiedliche corpora vnd substantzen, so wohl auß dē mineralischen/ als vegetabilischen vnd animalischen creatis zu anatomiren, vñ manche fürtreffliche vnd hochnützliche medicamēten zu bereiten/ sich zu erlustigen pflegen/ deren Tugenden vnnd Gebrauch E. F. G. nicht weniger/ alß einem wohl erfahrenen Medico gar wohl bekandt seind. Dann wo in fürfallender Noth vnd Abwesen der Medicorum, jrgendt jemand von E. F. G. Hoffdienern/ wes Standts derselbe auch sey/ mit plötzlicher Leibs Kranckheit vnd beschwernuß vberfallen wird/ so demütiget Sich dieselbe gnedigst/ nicht allein den Patienten zu besuchen/ jhn auß Christlicher Liebe zu trösten/ vnd daneben von Jhren wohl experimentierten, vnnd nach vnderscheid der Kranckheiten/ appropriierten medicamenten zu verordnē/ vnd einzugeben lassen/ dardurch beneben der benedeyung Gottes E. F. G. biß anhero viel fürtreffliche vnd denckwürdige Curen gethan haben.⁹

Weil ich nun neben andern Chymicis, für meine Persohn gar begierig vnd wilfehrig bin/ die Wärdigkeit¹⁰ der Chymiæ in der Artzney/ helffen zu erhöhen/ vnd zu jhrer Vollkommenheit zu bringen; So habe ich auff dißmahl/ diß Büchlein von den Nutzbarkeiten/ extraction, Zubereitung vñ conservation der vegetabilischen Essentzen/ alß auch von andern nützlichen zu solcher matery gehörigen Stücklein schreiben wollen/ Auff daß man hierauß/ wo/ vnd wie die Chymici den Proces der Alten verbessert/ erleichtert/ vnnd denselben bequemer vnnd nützlicher gemacht haben/ sichtbar- vnnd augenscheinlich spüren könne; Vnd daß die jenige/ so sich biß anhero an die Chymiam nicht gekehrt/ sondern nur bey dem gebrauch der Alten præparationen geblieben/ vnd sich nicht zu verbessern begehrt/ je länger je mehr bewegt würden/ dieselbe lieb zu gewinnen/ vnnd jhr an gehörlichem Ort/ nemlich in der Pharmacopœa jhre gebürliche Stelle zu geben. [...]

II

Eine Physikotheologie der Pflanzen und Substanzen in Salas letztem Werk *Saccharologia*

Q D. O. M. A. | ANGELI SALÆ, | Vicentini Veneti, Chymia- | tri Candidissimi | SACCHA- | ROLOGIA, | Darinnen erstlich von | der Natur/ *qualiteten*, nützlichem | Gebrauch/ vnd schädlichem Miß- | brauch des Zuckers: | Darnach/ | Wie von demselben ein Weinmäs- | siger starcker Getranck/ Brandwein vnd | Essig/ als auch vnterschiedliche Art